

Bhage Jo Ar Ba.r.ic´ Jo (Mathae 12 : 33- 37)

Bhage dare khon do boge jo n´amok´a ar ba.r.ic´ dare khon do ba.r.ic´ jo n´amok´a. Ba.r.ic´ dare khon do tis ho~ boge jo ban´ n´amok´a. Onate mit´t.en dare do jo tege oromok´a.

Pha.risiko do Sonot Jiu birud re kathako ror.keda. Jisu do onkoak´ kathae an´jomkeda ar onkoak´ mon ontor ba.r.ic´ getako ia.tei nen`ghaoket´koa. Ac´ak´ katha la.i pasnao la.git´ ar mit´t.en hor.ak´ mon-ontor ar katha son`ge cet´ leka somporoko tahe~ dareak´ ona bujha.u ocoko lagit´ mit´t.en phen kathae la.ikeda.

Jisu do mit´t.en jo dare reak´ biborone emkeda. Boge dare rohoeme boge jo em n´ama, ba.r.ic´ dare rohoeme ba.r.ic´ jo em n´ama. Ente dare do jo n´el tegem oroma. Mit´t.en boge dare do boge jo emama ar ba.r.ic´ dare do ba.r.ic´ jo emama. Ar jahaege mon´j jo n´ame menet´ khan pa.hilre boge dare rohoe hoyok´taea.

Dare do hoyok´ kana manwawak´ mon ar dare reak´ jo do hoyok´ kana manwa ak´ katha. Onate jahaege mon´j kathae ror. khan pa.hilre mon-ontor boge ja.rur.a.

Jisu do Pha.risikoe nen`ghao ket´koa. Uni do onko ka.rina.n`gin´ hopone metat´koa. Ka.rina.n`gin´ do bisan bin´ kanako. Ka.rina.n`gin´ bin´ do ba.r.ic´ ar Soetan son`ge jopor.ao menak´takoa. Karon Soetan do bin´ cinte Hawae er.eledea ar Hawa do Isorak´ hukum bae bataoleda. Pha.risiko do ka.rina.n`gin´ hopon ko men ocok´ kana ar Jisu do onko Soetan ren bon`soe metako kana.

Onate okoe Ma.sirebo pa.tia.u akan er.e se a.ur.iak´ jahan katha ar babon ror.a. Karon a.uria.k´ katha tege abo do bo bica.r ocok´a.

“Ar In´in´ metape kana, mimit´ a.ur.iak´ katha oka hor.ko ror.a, bica.r dinre ona reak´ lekha jokha emok´ hoyok´ takoa. Ente amak´ katha tege dhoromem tar.haoa, ar amak´ kathatege sajaok´ hukum hoyok´ tama.” Mathae 12 : 36 , 37.

Dengue Ten'go Daram La.git' Mosari Emena Rajshahi re

Dengue ten'go daram la.git' Rajshahi re a.diva.si hor.ko ar pa.t.hua. ko talare mosari ar leaflet emena. Sombar 21.08.2023 ta.rik setak' 11:00 baja jokhen Rajshahi Poba upozila reak' Sutakata Al Abra auditorium re a.diva.si hor.ko ar pa.t.hua. ko dengue rua. babot aodhanko la.git'te Rotary Club of Dhaka Kawran Bazar reak' utjog se kurumut.ute ar Barendro Youth Forum ak' bondoboste mit' sae (100) got.en hor.ko talare mosari ar leaflet emena. Mosari ar leaflet em ha.t.in' akhr. are dengue rua. ten'go daram babotre galmarao hoyena. Galmarao re manotan ko dengue rua. reak' karontet' ko la.i sodorkeda. Metak'me cet' cet' karonte dengue rua. re hor.ko ja.bunok' kana. Bad.aeabon plast.ic, d.ram, baha t.ob, d.ab cokak', jahan jinisre dak' jawakok' khan onako redo si~kr.ic' ba.r.tiko janamok'a. Onate onako jaega sapha sa.phi dohoe hoyok'a. Ina. chad.a ho~ or.ak' ad.epase ber.haete kom se kom haptare mit' dhao saphae hoyok'a. Dengue rua. reak' asol ran do kana dak' lekan jomak' se dak' ba.r.ti n'ui hoyok'a. Gitic' okte mosari beohar hoyok'a.

Mosari em ha.t.in' jokhen Socholota Acoossiation ren sabek sadharon sompadok ar Barendro Youth Forum ren sodosso Salman Farsi ak' a.yurte , Barendro Youth Forum ren sadharon sompadok Sabitri Hembrom sabha mukhia. , ar maran' per.a lekate set.ere tahe~kana RCC-Amnura ren sabha mukhia. ar NAGR (National Agency for Green Revolution) ren program officer Prodip Hembrom. Ina. chad.a ho~ selet'e tahe~kana Md: Shamiul Alim Shawon, sabha mukhia. , Youth Action For Change-Yes, Rajshahi ar Academy ren Mahasoe ko.

Nia ko dinre Ban'gladisomre ba.r.ti botoranak' rua kana noa dengue. Ente dengue rua got.a disomre cha.pla.u se pasnao akana. Onate dengue khon sahar. taken la.git' hor.ko sontorko ar aodhanko la.git' Rotary Club Of Dhaka Kawran Bazar, NAGR (National Agency for Green Revolution), Amnura Lutheran Mission Haspatal ar Barendro Youth Forum noa ka.mihora hatao akada.

February Re SSC Ar April re HSC Bid.a.u Hoyok'a

Bad.aeabon calaoen Lukhibar (17 August) khon 8 got.en sikhna.t board re HSC bid.a.u ehop' akana. Nes reak' HSC bid.a.u do 17 August khon 11 got.en sikhna.t board re mit' sa~ote ehobok' reak' katha tahe~kana. Menkhan banba.si dak' se emanteak' karonte Chottogram, Madrasa ar Karigori sikhna.t board reak' bid.a.u do darakan 27 August khon ehobok'a.

Onka leka Sikhna.t Montri Dr.Dipu Moni ho~e bad.ae ocokeda je, darakan metak' me 2024 serma reak' SSC bid.a.u do February cando ar HSC bid.a.u do April cando hoyok'a. Uni do Lukhibar noa khobore la.i lahakeda, arho~e menkeda je, Korona rua. ar banba.si d.uba. dak' emanteak' karonak'te calaoen bar-pe serma khon sikhna.t reak' pa.n'jiko thor.a a.ula.u akana. Darakan serma khon sanamak' sikhna.t pa.n'jiko jutkate okte na.pitre bid.a.u do hoyok'a mente ase doho akada.

Meskoc´

Meskoc´

(1)

Barea gate kor_a mit´din setak´ rekin galmaraoeda,

Pa_hilic´: Bad_aeam hola n´inda cet´ hoelena?

Dosaric´: Cet´ hoyena?

Pa_hilic´: Barea kombr_o sap´kate sanamak´ kin rec´ idikeden´a.

Dosaric´: Accha, am t_hen ma con´ mit´t_en pistol menak´! Onam uduk´ a_kina.

Pa_hilic´: Lor_o leka do alom ror_ase, ona do pent_ poket_ rege tahe~kana, judi kin bad_ae lekhan ona ho~kin rec´kin´a.

(2)

Gidra_ ar en´gatet´kin galmaraoeda;

Gidra_: E go in´ren Pusi ac´ak´ n´utume ror_ dar_eak´ kana.

En´gat´tet´: Ado ma_i amren Pusi do cet´em n´utum akadea?

Gidra_: Ia_ go Mia~u.

God_o ar Hira_

Mit´din mit´t_en god_o mit´t_en hira_ kecak´e ut´keda. Hira_ ren ma_lik hira_ bae n´am dar_eak´te n´inda_ bae ja_pit´ dar_eak´ kana. Uni ma_lik do sanam god_o goc´ cabako la_git´ mit´t_en sika_ria_i

a.gukedea ar hira. n'am od.ok la.git' t.hika.i emadea. Uni sika.ri god.o goc'ko la.git' god.owak' taken d.ind.a.tei set.eren khane n'elkeda hajar hajar aema god.o mit't.en cetanre ar mit't.ec' god.o sogobogo ko gitic' akana. Ar mit't.ec' god.o do pharak're ac' eskarge galasan'e ja.pit' akada.

Sika.ri do eskar menae uni god.ogei tak kedea. Ar sap' katec' lac'e cira. ket'taea ar hira. ond.ok' kate ma.like jima.wadea. Ar sika.ri do ma.lik t.hen khon ka.ud.i n'am kate or.ak' sec' mohond.ak'e dhura.uená.

Un okterege ma.lik do uni sika.riye kulikedea cekate hajar hajar god.o tala khon uni hira. ut'ic' god.o dom n'am kedea?

Sika.ri do ror. rua.r.e em keda, je noa do a.d.i alga ka.mi kana. Lelha hor. jokhon ac'kageko kisa.r.ok'a ,un oktere onko do akoren ja.t tuluc' bako mesaok'a ar bako gatek'a.

Chapainawabgonj re Dengue Rua. Ten'go Daram ar Kaboj La.git' Hor.ko Aodhanok' Ka.mihora

Nia.ko dinre Dengue rua. do got.a sohor-bajar ar ato t.ot.hakoreko cha.plau akana. Menkhan noa rua.te a.d.i usa.ra. tharbasao ban'kate, jotokote mit'te kurumut.u kate dengue rua. birud ten'go daram lekhange rukhia. n'amok'a. 'Cikit'sa khon ten'go daramge niropon ar bogea'. - Rotary reak' noa slogan saman're dohokate Rotary club of Dhaka Kawran Bazar, Besarkari songtha NAGR (Nationl Agency for Green Revolution), Amnura Lutheren Mission Haspatal ar RCC -Amnura reak' got.ate Lukhibar (03.08.2023) setak' 10:30 baja jokhen Chapainawabgonj sodor upajila

reak' 3 no Jhilim union reak' Amnura Adarsho Girls High School ren pa.t.hua.ko talare dengue rua. cetanre aodhanok' la.git'te mit't.en sabha do hoyena. Noa sabha a.yurre tahe~kana Amnura Adarsho Girls High School ren maran Mahasoe Md.Kudrat-e-Khuda. Un jokhen selet'e tahe~kana NAGR (National Agency for Green Revolution) ren program officer Prodip Hembrom, Amnura Lutheran Mission Haspatal sec' khon Subash Baskey, Ona School ren Assi: mahasoe Md:Saikul Islam, Md: Abdul Aziz. Dengue babotre galmarao muca.t're pa.t.hua. gidra.ko talare dengue birud aodhanok' la.git'te Leaflet em ha.t.in'ena.

Pa.t.hua. ko talare Dengue rua. cet' lekate cha.pla.uk' kan noa babotre kathae ror.keda Prodip Hembrom. Arho~e ror. sodorkeda je, or.ak' ber.haete, baha t.ob re, d.ab cokak', t.in reak' kuit.a., plast.ic emanteak' jiniskore si~kr.i~c ko belea, onate onako jaegare dak' ban' jawa ocoe hoyok'a ar or.ak' ber.hae ad.epasekore sapha sa.phi dohoe hoyok'a. Ina. chad.a ho~ gitic' okte mosari beohar la.git' sanamkoe udga.uket'koa. Ad.epase kore jahae dengue rua.te ja.bun lenkhan Amnura Lutheran Mission Haspatal re dengue rua. ko bid.a.u dar.eak' mente bad.ae ocokeda Subash Baskey. Ina. chad.a katet'reho~ set.er akan et.ak'ko ho~ dengue rua. birud ten'go dalam la.git'te or.ak' ad.epase ar apan a.pin sapha sa.phi taken ja.rur.a mente ko la.i sodorkeda. Dengue rua. ten'go dalam ar kabjao la.git' hor.ko aodhan ko nonkan ka.mihora kha.tirte Rotary club of Dhaka Kawran Bazar, Besarkari songstha sa~ota se somaj lahantire ka.mikan NAGR (National Agency for Green Revolution), Amnura Lutheran Mission Haspatal ar RCC-Amnura aema aema johare emat'koa. Jemon noa ka.mihora nonkage calao idik' ona neho~re dohokeda.

NAGR (National Agency for Green Revolution) re Program officer ar RCC-Amnura ren sabha mukhia. Prodip Hembrom-e la.i sodorkeda, noa ka.mihora do Chapainawabgonj sodor reak' aema t.ot.ha ar Bazar kore a.yurok'a ar ren'gec' nacar hor.ko talare Rotary sec' khonak' Mosari ar aodhanok' la.git'te Leaflet em ha.t.in'ok'a.

Santal Hul; Bangladesh ar Norway khon Bhognadihi

Hud.in' khonge santal hul program ko ren' selet' akana. Olok' par.hao oktere ho~ a.d.i jopor.a ar Rajshahi Radio Center re kothika,Natok, Madol program a.yur lekan da.yik ka.miko pura.u hoe akana. In'ak' a.yurte pa.hil Santal Hul cetanre pegel minutes reak' Natok do benao hoelena ar jao serma 30 June do ona natok Rajshahi Radio Center khon ko an'jom ocok'a.

Calaoen 2014 serma do in'ak' ka.mi organization khon pa.hil Santal Hul ma~ha~ manao ganao hoelena Bangladisom reak' uta.r nakha muca.t zila chapainawabgonj Masudul hoque institute re. Maran' per.a hisa.bte set.ere tahe~kana Manotan Upozila Nirbahi Officer ar zila ren sanam A.diva.si a.yurko. Un oktere acka ge bohok' re hudis bololena; Bhognadihi do n'el a.gu ja.rur.a.

India te do 7 dhom juda. juda. t.ha.~i don' hiri akada, office meeting, training, seminar, conference kore. Menkhan Bhognadihi hiri do a.t ba.n' n'am akat' tahe~kana. Aema din tayom re ho~ calao hoelena; 2022 serma reak' 23 Octobor cando do hiri reak' a.t hoelena Santal koak' hul t.ha.~i Bhognadihi. Noa hiri reak' pa.hil hudis do tahe~kana Bangladisom ren pa.hil santal onolia. Mithusilak Murmu ar in' hud.in' onolia. Menkhan a.lin'ak' noa plan doe bad.ae n'amkeda; Santali pha.rsi te rororic Manotan Torbjorn Lied, one uni do 7 sagor 13 somudro ko parom katet' Bangladesh ar India teye hec' akan. Norwegian disom ren hor. kan reho~e Santali pha.rsiye bad.ae te ac' ho~ santal doe n'umugok' kana. Uniak' ho~ a.d.i ra.ska. nonkan maran' santalkoak' ithiha~s t.ha.~i n'en'el reak'. A.d.i ra.ska. selet' pene hor. ar aleren hiri son'ge kor.a in' mita. Pastor Stephen Soren ren kora Alfred Soren. A.d.i aema lekan hudis ko bohok' reye ka.miet' tahe~kana Santal hul t.ha.~i Bhognadihi hiri babot re. Jit ato khon od.ok' katet' thor.a sa.n'gin' calao katet' gele n'amkeda Sidhu Kanhu parkey. Ga.d.i cetan khon gele koyok'ada ar aleren hiri son'ge kor.a ba.bu Alfred soren doe la.i ale kana; mimit' jaega ko reak' khat.o ithiha~s. Na~ha~k' jugre ti re menak smart phone te mon perez' vedio

ar photo kon' hataoeda; apnar la.git' document hisa.b te dohoe. Ga.d.i calak' kana bin n'el jaegate, mon do khadbadak kana ar tina.k' sa.n'gin, aema lekan kukli monre hed.ejok' kana. Khange Alfred ba.bu doe ehop' keda nitok' dobon set.er akana. Aleak' noa hiri ren Alfred Soren do jua.n ko ren a.yuric' kanae; aema lekan social, lahanti ar political ka.mi kore jopor.ao menaea. Jit ato khon ond.ogok' okterege ac'ren gate per.ako doe bad.ae oco akat' ko tahena. Onate a.d.i koyok' hor reko tahe~kana. Pa.hil do parkey le hirikeda, one okare do jao serma manotan santal a.yurko doko set.erok'a. Mit' bar naksa le hatao keda sidhu kanhu ta.kinak' sonate tol akat' leka jhak jhak mural re. Manotan Bangladisom ren onolia. Mithusilak Murmu do Sidhu kanhu ak' bohok' ti hor.mo ko doe jot.et' ket'takina, adon' hudiseda pasec'e kuliket'kina cekate non maran' santal hul doben hoe pura.u oco leda?



Gate od.ok tora gele n'apam kedea Santal Youtuber; a.d.i ra.ska. selet' khat.o interview doe hatao keda. Nitok do unkinak' or.ak' hiri. Sa.rige aema lekan hudis do tahe~kana mon ontore menkhan hiri katet' ekal ba.n' mila.u dar.eak' kana. Santlak a.rica.li lekage parkom ko bilat' lea arle dur.up'ena, d.obok' johar, boge juda. ko bad.ae katet' aema suk-duk reak' gapalmarao do hoyena. N'apam hoelena Sidhu Kanhu ren era.l pir.hi renko son'ge. Sidhu Kanhu ta.kinak' or.ak' dua.rko n'el katet' a.d.i ba.r.ti kha.ndri khon don' hudis keda; nonkan t.ha.~ire tahe~katet' nuna.k' maran' hul hoe pura.u do a.d.i maran' dhat monan ka.mi ge tahe~kana unkin la.git'. Menkhan nit ha.bic'te Bhognadihi re maran' hul hoelen reho~ maran' pherao se lahanti do ban' hoe akana. A.d.i ba.r.ti gapalmarao hoyen noako bisoeko selet' Alfred Soren son'ge.

Kha.t.ige sanam ko gebon bad.aea je cedak' non maran' santal hul do hoelena. Entereho~ a.d.i khat.ote Internet khon in' tuma.l akada ape sanamko disa. oco bon la.git'.

Santal hul reak' khat o talika:

January, 17, 1784

Bhagolpur ar Rajmahal ren Collector Cleveland ak' gujuk'. Tilka Murma ak' a.yurte pa.hil santal hul.

1985 serma

Tilka Murmu ak' pha.si.

June 30, 1855

Bhognadihi atore mit' jarwak're Sidhu Kanhu ak' porcar ar nira.i somaj metak'me okare do ja~ha~n besuluk ba.nuk'anan' onkan somaj benao rakap're gel hajar hor.koak' ekrar.e hataokeda. Ar Kolkata saman're pa.hilko michilkeda.

July 7, 1855

Santal hor.koak' tire namd.ak mahajon Kenaram ar Bhogot ar Dighi thana ren koclon ocok'kan daroga Moheslal Dotto n'utuman hor.kin goc' ocoyena. Khan Santal hul reak' Sen'gel do d.igdi.ga.uenā.

July 11, 1855

Hul bond la.git'te a.n rukhia. ba.hiniko sa~ote meroj baroj ren kolga hec'ena.

July 12, 1855

Sidhu Kanhu chand Bhaero ak' a.yurte huhul ko pakur.teko boloyena ar Rajbari cetanre akham ko ehop'ena.

July 13, 1855

Kadamshai re Seventh Regiment ba.hiniko ko ha.jirena. Ar Maran' uta.r la.r.ha.i do janamena.

July 15, 1855

Pa.kur.phed.re Torai gad.a ar.e re santal ko sa~ote seventh Regiment

ko la.r.ha.i tapamena.Unre santalko bhagao ocoyena.

July 16, 1855

Peyalapur reak' la.r.ha.ire ho~ In'ra.jko bhagao ocoyena.

July 20, 1855

Birbhum reak' da.khin-pa.chim reak' Taldanga Saithia ha.bic' ar uta.r-pa.chim reak' Bhagolpur ar Rajmohol khon Bhagolpur zila reak' uta.r-purub bhag se nakha dha.bic' do huhul ko se bidrohi koak' thamga.d.i t.ha.~i kana.

July 21, 1855

Katna atore in'ra.j ba.hini har ko manaokeda.

July 23, 1855

Birbhum reak' namd.ak ba.nij-bepar t.ha.~i dhandhaserena.

July 24, 1855

Barharara-Barhait d.ahar re Raghunathpur re Murshibad ren Magistrate Mr.Tupud hotete a.yurok'kan In'ra.j ba.hinikoak' tire Cha~nd ar Ka.nhu kin bhagao ocoyena.

July 29, 1855

Captain Sheruil Gordon hotete Munhan ar Munkatro do dhandhaserena.

July 30, 1855

Leftenant hotete arho~ eyae got.en santal ato dhandhaserena.

August 17, 1855

In'ra.j sarkar hotete soprotok' la.git'te ghosonapetro porcar ar santal koak' ghosonapetro doko bemun'jurkeda.

September 16, 1855

Mochia, Kasjola, Ramporgona, Sundra Majhi ak' a.yurte Oporbadh thana

ho~ko lut. keda.

October reak' dosar hapta 1855

In'ra.j sarkar hotete Osamorik a.n ja.riyena.

November 10, 1855

In'ra.j sarkar hotete samorik a.n ja.riyena.

January 3, 1856

Samorik a.n protahar.

January 23, 1856

Sujarampur re Grant saheb ak' kut.hi lut.ena.

January 27, 1856:

Leftenant phegan saheb hotete a.yurok'kan Bhagolpur hill Rengers ba.hini ko sa~o la.r.ha.i tapamre santalko bhagao ocoyena.

February dosar ar tesar hapta 1856

In'ra.j koak' gulite Sidhu goc'ena.

February 23, 1856

Kanhu Murmu doe pha.si goc' ocoyena.

Muca.t re noa gen' mena je, delabon santal hopon babon taken dur.up' thir, olok' mabon par.hak' mabon lahak' mabon apnar, gharon'j, somaj ar santalko bon rakabok' ma dha.rti ren manowako t.hen.

Sakr_a ar Osar Dua_r

“Sakr_a dua_rte bolok'pe, ente okat.ak' hor ba_r.ic' sec'e idipe ona reak' dua_r do osargea ar hor do phaelaogea. Ar d.her hor.ge onateko bolok' kana. Menkhan okat.ak' hor jion sec'e a.yur idi ona reak' hor do sakr_agea ar dua_r do sur.uc'gea. Ar thora hor.ge noa doko sendra n'amet'kana” (Mathae 7: 13- 14.).

1. Osar dua_r do bar.ic' gea;

Jisue meneda, dua_r do osargea ar hor do phaelaogea ona hor do ba_r.ic' sec'e idikoa, ar aema hor.ge ona horteko bolok' kana. Aema hor.ko moneak' kana hor do onko lagit' t.hikgea. Menkhan Jisue meneda ona hor do bar.ic' sec'e idikoa. Aema hor.ko pa.tia.uk' kana joto dhrom hor.do mit' jaegarege ko sen akana. Jisue meneda aema hor.ge bhul hor re menak'koa. Ente osar hor okat.ak' do ba_r.ti hor.ko pa.tia.uk' kan ona hor do ba_r.ic' sec'e idikoa mane norok sec'e idikoa .

2. Sak_ra dua_r do Serma jion sec'e idia;

Menkhan Jisue menakada, ar mit't.en et.ak' hor menak'a. Ona reak' hor do ka.t.ic' gea ar dua_r do sakr_agea. Ar ona hor do jion sec'e idia ar a.d.i kom hor. ona doko n'am bar_aeda. Ona jion do hoyok' kana jaejug serma jion. Ona serma jion n'am hoyok' tabona menkhan aema hor.ge ona jion n'am lagit' ban'ko kurumut.ueda. Nia. oktere aema hor.ge serma paradeshre bolok' lagit' sana menak'takoa, menkhan Jisue meneda, Joto hor.do bako bolo dareak'a. A.d.i kom hor .serma jion ko sendra n'ama, ente ond.e calak' hor do su~r.u~c'gea.

“Dua_r do In'ge. Ente jahaenge In' sec'te bhitriteye bolok' uni do ban'caoe n'ama.” (Johan 10:9) Jisue meneda, In'ge dua_r do, In'ge ona sakr_a dua_r do, okat.ak' hor do serma jion sec'e idi.

Jisue meneda, “ In'ge hortet', sa_ria.k'tet' ar jion , In' hotete ban'khan okoe ho~ Baba then ohoko calao dar_e.lena.” Johan 14:6.

Jisue meneda, Jodi serma rajte bolok'e menjon' khan ond.e calak' la.git' mit't.enge hor menak'a ar ona do hoyok' kana Probhu Jisu Ma.si Pan'jaye. Onate Masi aboe cet' abon kana aema hor.ge jion hor te

ban'ko calao dar_eak'a, eken okoe do ma_~hi~r salak' , kastao tuluc', ar apnarge ban'ok'kankoge unige Jisu songei calao dareak'a.

Jel Ak' Goḷpo

Sedae reak' katha, mit't_en birre Jel gharon'j tahe~kana. Ona gharon'jre mit't_en har_am hor_ , ac'ren kor_a ar gor_om gidra_i tahe~kana. Uni har_am jel do umerte a_d_i laha akane tahe~kana. Onate ja~ha~nak' kam-kaj koho~ bae dar_eak'kan tahe~kana. Ado uni har_am do ac'ren hopontet' cetanrege t_eha~d_ok'kan tahe~kana.

Mitdin har_am ren hopontet' do ha_t_ia_te senente n'elok'te maran' uta_r kha_cla_k'e kirin' a_gukeda. Ina_kate ona kha_cla_k're apat'tet'e bhoraokedete bir talare gid_i ot_okedea. Khange uni jel hopon do enec' khila_d_ bar_akate or_ak'e hec'enre ac' har_am bawak' katha apat'tet'e kulikedea. Apat'tet' doe menkeda, "am har_amba do a_d_ige har_am cabayena, cet'ge bae ka_mi dareak' kana. Eken ba_r_ti jalao are jan'jalet' kana. Onate bir talaren' doho ot_okedea. Ond_e ta_rup' menaea, unige nahak'e jomea. End_ekhan aboak' jan'jal cabak'a. Apat'tet' ak' katha an'jomte uni jel hopon doe menkeda, menkhan baba mit't_enem bhul akada. Disa_kate ona kha_clak'em a_gu lekhan, amem har_am lenre t_aka paesa khoroc' kate kha_cla_k' ban' kirin' lagaoa_n'a. Ac'ren gidra_wak' katha an'jomte apat'tet'e tharbasaoena ar ac'ak' bhule an'goc'keda. Ado ene harephare bire senente jel har_am or_ak'e a_gukedea.

Sikha_una: Aboren gogo-baba sa~o cet' lekabon beohar, aboren gidra_ ko ho~ abo sa~o onkageko beohara.

Dinajpur re Pea Santal Jawa Boeha SSC bid .a .ure GPA-5 Ko Hamet . keda

Sokolbar (28.07.23) ta .rik do SSC bid .a .u reak´ jo sodorena. Got .a disomre SSC bida .u ko emlet´ gidra .ko modre adom doko pass akada arho´ adom do bako pass dar .eada. Pass ket´ gidra .ko a .d .i ra .ska .re menak´koa, menkhan bako pass dar .eak´ gidra .ko do a .d .i bhabna ar cinta .re menak´koa.

Onka leka Dinajpur, Birampur upajila reak´ Chondipur atoren pea santal jawa boeha SSC bid .a .ure GPA-5 ko hamet . keda. Noko pea boeha kur .i kor .a mit´ sa´ote GPA-5 ko hamet .ket´ ra .ska . khobor ad .epasere pasnaoena. Ba .r .tikaete ako ghron´jren joto hor . a .d .iko ra .ska .k´ kana. Onko pe boehawak´ n´utum do Lasar Sourov Murmu, kur .i boeha Mery Moumita Murmu ar Jenivia Murmu. Onko pea boeha do Birampur Pilot High School khon SSC bid .a .ureko selet´lena. Onko gidra . ren apat´ n´utum do Johannes Murmu, one uni mit´t .en Be-sarkari songstha re ka .mi kana, ar en´gat´tet´ do Sohagini Hasda. Pea boeha modre Lasar Sourov Murmu do Engineer, ar kur .i boeha do daktar hoyok´ reak´ monsuba . menak´tako. A .kinren gidra . koak´ bid .a .u jo an´jomkate a .d .i kusi ra .ska .re en´gat´ apat´ ho´ menak´kina. Ente unkinak´ kukmu do onko gidra . lia .ge. Gidra . koak´ tayom daram kukmu pura .uge nit a .kinak´ jion reak´ maran´ kukmu do. Onate sarkarak´ gor .o ar joto hor .ak´ daya a .sirbad kin khojkeda.

Sa .rige noa khobor do eken ako gharon´j ren la .git´ ra .ska . khobor do ban´ kana, got .a disomren santalko la .git´ a .d .i gorob ar ra .ska . reak´ khobor kana. Nonkage jemon santal ko laha calak´ ma.